



Inatsisartunut ilaasortaq
Asii Chemnitz Narup, Inuit Ataqtigiit
/Maani

Ittoqqortoormiuni PFAS pillugu § 37 naapertorlugu apeqquteqaammut 120-2023-mut akissut.

Asasara Asii Chemnitz Narup

Inatsisartut suleriaasianni § 37, imm. 1 naapertorlugu Naalakkersuisunut apeqquteqaateqarputit. Naalakkersuisuniit apeqquteqaatissinnut qujavugut, taakkulu matuma kingorna issuarneqarput akissuteqarfigineqarlutillu.

1. Ittoqqortoormiini ilisimatuussutsikkut misissuinerit takutippaat inuit aavi annertuumik PFAS-imik akoqartut. Pineqartoq ataatsimut isigalugu naalakkersuisut qanoq naliliippat?

Naalakkersuisut Ittoqqortoormiini akuutissamik avatangiisinut sunniuteqartartumik PFAS-imik innuttaasut aavini nassaartoqarnera ernumanartoqartippaat. Naliliineq malillugu Ittoqqortoormiini nannut neqaat PFAS-imik mingutsitsisut annersaraat.

2. Ittoqqortoormiini innuttaasut aavisa PFAS-imik annertuumik akoqarneri ilisimalereerlugu Naalakkersuisut suliniutit suut aallartinniarlugit pilersaaruteqarpat?

Peqqissutsimut Naalakkersuisoq PFAS-imik akuutissanillu avatangiisinut sunniuteqartartunik allanik inuussutissanut mingutsitsisoqarneranut atatillugu ulorianartorsiorfusinnaasut pillugit innuttaasunut paasissutissiissutinik suliaqarniarpoq. Inuit ataasiakkaat kalaaliminertornissamat namminneerlutik aalajangiinissaminnut paasissutissanik naammattunik pissaqarnissaat siunertaavoq. Paasissutissiissutit inuussutissat suut mingutsinneqarnerpaaneri aamma akuutissat avatangiisinut sunniisartut suut nunatsinni sumiiffinni assigiinngitsuni suni nassaasaanerat pillugu ilisimasat pissarsiarineqarsinnaasut pillugit paasissutissanik imaqaassapput. Aamma innuttaasuni immikkoortut arlaat akuutissanit avatangiisinut sunniisartunit ulorianartorsiorinneqarnerpaanersut pillugu siunnersuisarneq atorneqalissaaq.

Kiisalu ilisimatitsissutigineqarsinnaavoq, innuttaasut akuutissamik avatangiisinut sunniisartumik, aammalu annertuumik ajoqusiisartumik kviksølvimik akoqarnerat apparsimamat
(https://www.sdu.dk/da/sif/rappporter/2022/kviksoelv_i_groenland).

Allakkat ulluat: 11-08-2023
Suliap normua: 2023 - 19557
Allagaatip ilisarnaataa:
23236857

Postboks 1614
3900 Nuuk
Oqarasuaat: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

- 3. Ittoqqortoormiini, Nunattalu sinnerani, peqqissutsitsinnut sunniuteqartumik mingutsitsinerit aallaaviisa unitsinneqarnissaat siunertaralugu, Naalackersuisut suliniutinik, nunanik tamalaanik suleqateqarnermik nukittorsaanissamik siunertaqarlutik, aallartitsiniarlutik pilersaaruteqarpat?**
- A) Pilersaaruteqarsimassappat; suut pilersaarutaappat?**
- B) Pilersaaruteqartoqarsimanngippat; sooq pilersaaruteqartoqanngila?**

Naalackersuisut Inatsisartullu suliniutinik, ilaatigut Kalaallit Nunaata Stockholmimi isumaqatigiisummi nunap immikkoortuatut tunuarsimaarfigineqarnermik atorunnaarsitsinermut (UKA2022) tunngasunik aallartitsereerput. Stockholmimi isumaqatigiisummi POP-nik atuinerup killilersorneqarnissaa siunertarineqarpoq, aammalu isumaqatigiisummi suleqataasut akuutissat POP-it ajoqusiinerpaasartut arlallit atorlugit tunisassionernik, tikisitsisarnernik, avammut annissisarnernik atuisarnernillu atorunnaarsitsinissamut pisussaaffilerneqarput. Tamatuma saniatigut suleqataasut dioxin-inik akuutissanillu POP-inik allanik, soorlu eqqagassalerinermi piaarinaatsoornikkut pilersinneqartunik aniatitsinermik annikillititsisussaapput. Isumaqatigiisutip atuutsinneqalerneranut atatillugu nunani tamalaani inuiaqatigiit Issittumut avatangiisinut toqunartunik mingutsitsinerup unitsinneqartariaqarneranik eqqaaseqqinneqassapput. Naalackersuisut isumalluutissaqarnertik naapertorlugu nunani tamalaani avatangiisinut toqunartut arrorsinnaasunut akuliuttartut killilersorniarlugit suliniutinut malinnaapput.

Nunalerinermut, Imminut Pilersornermut, Nukissiutinut Avatangiisinullu Naalackersuisoqarfik Stockholmimi isumaqatigiisummi anguniagaasunik suliaqarluni sulinerminik ingerlatitseqqissaaq, aammalu 2023-mi akuutissanik POP-inik, isumaqatigiisummi allassimasunik eqqussisarnermik, avammut annissisarnermik, suliaqartarnermik, atuinermik il.il. killilersuineq pillugu nalunaarummik nutaamik suliaqarluni aallartissalluni.

Inussiarnersumik inuulluaqqusillunga



Kalistat Lund